



ESPERANTO JE LA SERVO DE L' TUTMONDA PROLETARO

SENNACIO

OFICIALA ORGANO DE SENNACIECA ASOCIO TUTMONDA

REDAKTEJO: 14, avenue de Corb  ra, Paris-12^e
Gvidanto: E. Lanty

SIDEJO de Ekzekutiva Komitato de SAT
23, rue Boyer, Paris-20^e

ADMINISTREJO: Colmstr. 1, Leipzig O 27
Administranto: R. Lerchner

Laboro de misiistoj en Afriko kaj la rezulto!

Negrosektoj en Afriko

Se iu prenas por si la penon kaj trafolumas la raportojn de misiistoj el Afriko, tiu kun admiro konstato, ke ĉiuj paĝoj estas plenaj de plendoj. La indiĝenoj bone aŭskultas la instruadon de misiistoj, ĉar ili ja scias, se ili ne farus tion, tiam la armiloj de l' imperialistoj devigus ilin tion fari. Sed ĉi tiuj malbenitaj indiĝenoj "miskomprenas" tute la instruadon, ili turniĝas for de la "vera" kredo kaj fondas po dekdu herez-ekleziojn kaj ekz. "National Churches". Ili restas sur bazo de l' kristanismo, sed tamen ili instruas, ke regado de l' blankaŭtuloj signifas imperion de satano. Mondo de l' amo kaj justeco venos, se la imperialistoj estos forigitaj el Afriko.

Ni sciigas pri kvar sektoj, kiuj tute sendepende unu de la alia, Centran Afrikon kaj Madagaskaron tenas en siaj manoj. Pruvo, ke samaj cirkonstancoj kreas samajn ideojn.

En Uganda kaj Ruanda ni trovas la malefitojn, en Belga Kongo la kibangistojn, en Rodezio la "garduroj"-n kaj en Madagaskaro la sekton de Ralaimongo.

La unuajn sciigojn pri la malefitoj portis misiistoj "blankaj patroj", precipe patro Roux. Ĉi tiuj sektuloj "furiozas" en Uganda kaj Ruanda, kiel la patro raportas tion. Kaŭzo: "misgvido de protestantaj misiistoj", kiu ne sufiĉe atentis popolanimon de l' indiĝenoj. "Nu, jes la indiĝenoj ne kredas, ke Mesio estis jam ĉi tie, kontraŭe nun oni atendas Mesion, la senditon de "Rogi", de la "Bonvola Patro", kiu ĉesigos la sklavecon de negroj! Justeco regos. La malefitoj konas nenian pastron, ili baptas sin en la riveroj. La imperialistoj, angloj kaj belgoj, kun granda energio persekutas la sektul-

ojn, ĉar ĉi tiuj "malrespektuloj" estas sur "non volens"-starpunkto, t. e. ili ne estas emaj al iu ajn laboro por la imperialistoj. Se ili estas devigataj labori, ili forkuras en arbarojn. La reĝoj de Uganda kaj Ruanda, la anglaj kaj belgaj militistoj, batalas konkorde kun la katolikaj kaj protestantaj misiistoj — per "spiritaj" kaj "manaj" armiloj — por savi la "maleficulojn".

Pri la "kibangismo" ni estas informitaj el la oficialaj sciigoj de ĝenerala guberniestro de Belga Kongo (Rapport Annuel sur la Congo Belge, Bruxelles 1926). Ĉi tiu sekto devenas el la katolikaj doktrinoj. Oni devas trovi tre severajn rimedojn kontraŭ la sektoj, ĉar ili infektis grandan teritorion de Belga Kongo kaj oni ne povas malhelpi ilian disvolviĝon, malgraŭ tio, ke al multaj oni persvadis reveni al la "vera" religio. Sed ĉi tiu reveno plej ofte okazis nur kiel ŝajno.

"La loĝantaro en la infektitaj teritorioj kvankam estas tute trankvila, ĉar la militaj okupadoj tre bone efikis. La sekto estas fondita de tre malriĉa negro, nomata Kibangu, kiu estis unu el la plej eminentaj lernantoj de l' misiistoj. La adeptoj de Kibangu estas plenaj de profunda religia kredo kaj kun sopiro atendas Mesion, kiu estos nigra haŭtulo. Li neniigos la landon per fajro, la subpremantoj estos forigitaj kaj li fondos imperion, kie regos justeco kaj amo. La kibangistoj atendas ĉi tiun okazontaĵon kaj vivas kun moralo ĉerpita el katolikaj fontoj."

La guberniestro de Kongo, Kasai, donas la praktikan konsilon: "La teritoriojn infektitajn de kibangismo oni okupu per militista forto kaj oni tre serioze observu ĉi sektojn, ĉar latentaj religia ekstazo jam

en si mem produktas danĝeran situacion" (Rapport sur la Province du Congo Kasai, p. 32).

La ĉiam pli granda disvastigteritorio de l' sekto signifas seriozan zorgon por la misiistoj.

Sekto "la gardturo" estas en suda kaj norda Rodezio disvastigita kaj ĝi antaŭenpuŝiĝis ĝis la Sudafrika Unio. Ĝia doktrino parolas pri liberigo de bantuoj, kio estas sufiĉa bazo, por ke la britoj rapidu per fajro kaj glavo neniigi la doktrinojn. La doktrino konsistas el idolanaj kaj kristanismaj elementoj. Ĝi diras, ke inter la bantuoj naskiĝos profeto, kiu per la helpo de dio elpelos la blankulojn. La blankulo estas sorĉdiablo kaj tiel la lukto kontraŭ la blankuloj estas batalo kontraŭ la satano. La fondinto de la sekto estis lernanto de misiistoj, bantua lignaĵisto, nomita Tomo Noliendva. Ĉi tiu lignaĵisto tramigris Rodezion kaj Transvalon kaj li trovis inter siaj samgenteroj teruran mizeron kaj ĉe la blankuloj diboĉadon. Li diris: "Se dio estas vere justa, tiam li forbalaos la blankulojn. Ĉar li ne dubas en la justecon de dio, estas evidente, ke la blankuloj estos forigitaj." Ĉi instruado estis sufiĉa por ekmovigi al protesto la altan reĝimon. Estis malpermesata la predikado al Tomo kaj kiam la malpermeso ne efikiĝis, oni enkarcerigis lin. Per tio altiĝis la radikalismo de Tomo kaj kiam li liberiĝis, la bantuoj, salutis lin, kiel veran profeton de dio. Kie li ekaperis, tie la popolo kuris al li.

Li baptis en fluanta akvo, kaj el tio forĝis poste la registaraj rondoj la akuzon kontraŭ Tomo.

La instruo ekhavis politikan kolorigon, kiam la potenca bantuestro, Shanala

(Ŝanala), kaj vicestro nomata Makwati aliĝis la movadon de Tomo. La propagando produktis pli da fruktoj ol iam ajn. Ne estas mirinde, ke la registaro nun kun potencaj rimedoj intervenis. Sudafrikaj trupoj okupis la "infektitajn" teritoriojn en Rodezio. La tri gvidantoj Tomo Nolljendva, Ŝanala kaj Makwati kun vicestroj estis kaptitaj. La akuzo estis: Tomo, je ordono de ambaŭ ĉefestroj, sufokis homojn dum la ceremonio de l' baptado sub la akvo.

Kiel oni kunforĝis ĉi tiun akuzon ne estas konate, sed kiel oni procedis, pravas, ke Tomo, kiu estis okulfrappe fortstatura negro, antaŭ siaj juĝistoj en Broken Hill povis ekaperi nur kiel homa ruinaĵo. Li estis duone mortbatita dum la kaptiteco kaj liajn manojn oni laŭvorte ŝiris el lia korpo. Ĉiuj tri estis juĝitaj je morto. Oni pendigis ilin en Broken Hill. La vicgvidantoj ricevis karcerpunojn ĝis dek jaroj, aliaj estis bastonbatitaj. (Stelo

de Negroj 1926.) Sed per tio tute ne finiĝis la "gardturo"-movado.

Pri la "Ralaimongo"-movado ni eksciis el la "Information Coloniale" (Koloniala Informilo — Kmeĥasa, 18. 9. 1926.) La franca registaro estas devigata batali kontraŭ ĉi tiu movado. Ĝi estas miksaĵo de gandhismo kaj kristanismo. Ĝi estas direktata kontraŭ la fremduloj. Madagaskarano ne aĉetu tion, kion franco produktis. Nenian laboron oni plenumu. Ralaimongo estas ankaŭ malriĉa indiĝeno kaj kontraŭ li oni donis kaptordonon, sed la magistratanoj ne povas lin trovi.

Por la francaj, anglaj kaj belgaj imperialistoj estas tre danĝeraj ĉi tiuj sektmovadoj, ĉar malantaŭ la religia vualo staras la politika celo: forigo de l' blankuloj.

Maksimo Leitner.

El aŭstria "Freidenker" kun aŭtoro permeso tradukis Kolektivano.

milita kaj polica supereco burokratismo, korupto. En ĉiuj aliaj aferoj de la ŝtata kaj popola vivado regas plena malorganizo. Ni memoras la regadon de absolutismo kaj la superecon de la eklezio; kiam unuflanke regis diboĉo kaj duaflanke suferoj kaj mizero. Ni memoras la finon de tiu sistemo.

Ni povas konstati, ne nur optimisme, sed per faktoj, ke kreskas la ribelamasoj, malvolviĝas la proletara kaj kamparanara konscio, pri ilia historia tasko. B. R. (10 164).



Interpastra Milito

Antaŭnelonge miajn manojn trafis du n-oj de la regiona eklezia gazeteto "Uralskije cerkovnye Vedomosti" (Urala eklezia revuo). Kvankam mi estas kontraŭdiulo, tamen mi ekinteresiĝis: kion ili (eklezianoj) mem skribas pri sia loka vivo?

En frunt-artikolo de unu n-o mi trovas interalie tiaspecan konfeseton: ... "Dekreto pri apartigo de ortodoksa eklezio de ŝtato, kreis por rusa ortodoksa eklezio tute novajn vivkondiĉojn de ekzistado.

Ekstere la dekreto senigis la eklezion de tiu privilegia stato, kiun ĝi havis dum la antaŭa reĝimo. Sed interne la dekreto donis al la eklezio plenan liberon por memregado, memekzistado kaj pleneblecon por senfina disvolvigo de ĝiaj religiaj doktrinoj... Tiel! Ekplorinte iomete la por ĉiam perditaj "antaŭaj privilegioj", ili plu konfesas ke... "Starigita en la novaj vivkondiĉoj ortodoksa eklezio troviĝas nun ankoraŭ en percept-stadio de sia nova stato, tial estas kompreneble, ke ĝi ofte sentas kelkajn embarasojn. Transira procedo de la eklezio al nova vivo, okazas ne sen malhelpo en nia interna eklezia vivo..."

Plue ili ankaŭ parolas pri malhelpoj ofte kaŭzantaj eĉ konflikton inter pastroj kaj paroĥianoj. Ne facile estas videble, por piaj di-reprezentantoj, adaptiĝi kaj aranĝi sian "novan vivon", en atmosfero plenplena da "baciloj" de komunismo. Foliumante paĝojn mi trovis artikolon. "Eklezia vivo." Mi legas... "Paco... trankvila fluado de eklezia vivo! Jen por kio doloras animo de ortodoksano, ĵen pri kio sopiras ĉiu el ni..."

Tiel komenciĝas la artikolo. Plue mi legas: "Sed paco malestas. Anstataŭ ĝi — malamikeco, eklezia malpaco; dispecigo je diversaj grupoj, sektoj ktp. Du ekleziaj fluoj kaptis la rusan ortodoksan eklezion: progresema kaj reakciema, oni fendis ĝin poduone"... Malĝojigite plendas la verkisto, pastro Ufimcev. Priskribinte en la artikolo ĉiujn kaŭzojn kaj sekvojn de l' eklezia konkur-batalado inter pastroj, aŭtoro finas sian artikolon per tiaj militemaj frazoj: "Ĉiu eklezia grupo estas asertigita en sia vero kaj pensas konvinki en tio siajn

EL JUGOSLAVIO

Ekonomia situacio

Jugoslavio laŭ sia geografia pozicio havas tre bonan teron kaj 80% el la tuta loĝantaro sin okupas per terkulturado. Sed ruinigita pro pasintaj militoj, pro nuna grandega ekonomia krizo kaj pro radikala ŝtata mastrumado, la malriĉa popolamaso kaj precipe la kamparanoj troviĝas en grandega mizero.

Dum la tuta vivo la popolo estis ekspluatata de la urbaj komercistoj, spekulaciistoj kaj vilaĝaj riĉuloj. La kamparanoj en Jugoslavio ankoraŭ kulturas la teron tute primitive. Ili ankoraŭ plugas per ligna plugilo. Pri traktoro oni eĉ ne revas. Pro malegalaj prezoj de la produktaĵoj: tre malalta prezo de la krudaj kaj tre alta de la fabrikaj, devigas la kamparanojn fari ŝuldojn. Ili do ĝemas ĉiam sub ŝuldoj. La jugoslava burĝaro fariĝis vera kanibalo de laborist-amasoj, ĉar la procento estas karega. Oni pagas ĝis 120% jare! Nuntempe la bankoj pruntedonas po 25, 30, 40, 50% la privataj komercistaĵoj po 60, 70—80, 100%, Nekredebla afero, sed vera, kaj laŭ la burĝa statistiko niaj kamparanoj ŝuldas 2 665 660 657 din., kaj ni aldonu, ke tiu sumo estas prunteprenita nur de bankoj. Pri ŝuldoj al la privataj komercistaĵoj neekzistas statistiko.

Pro tia stato la kamparanoj estas nebona aĉetanto por la urboj kaj kompreneble multe suferas pro tio etburĝaro. Por la unuaj naŭ monatoj en la jaro 1927 estis 825 bankrotoj en la tuta lando; 832 en la jaro 1926.

La stulta financa politiko

Jus oni preparas en la ŝtata parlamento plialtigon de impostoj.

Laŭ la propono, eĉ la malgrasaj la-

boristaj salajroj estos impostitaj. Ĉiu maturaĝulo pagos 1000 din. jare. La antaŭa buĝeto ne sufiĉis. Ĝi faris deficiton de 300 milionoj da din. La nuna buĝeto estos proksimume 12 miliardoj da din.

Kiu pagos tion? Oni scias, ke oni suĉos el la laborista klaso.

Jen kelkaj ciferoj el la buĝeto:

Ministrejo de Milito (80 milionoj pli ol la pasint. jaron)	2 428 571 226
de Internaj Aferoj (polico)	554 646 007
de Kultoj	114 873 927
de Justeco	273 595 274
de Eksterlandaj Aferoj	169 646 884
Pensio kaj ŝtataj ŝuldoj	1 784 639 275
Rezervoj, ŝtataj kreditoj	74 000 000
Ministrejo de Ŝtata Parlamento (?)	336 250
Sume: din.	5 400 308 843

Do por tiuj ĉi malproduktivaj oni elspezas unu duonon de l' ŝtata buĝeto. Kaj kiam oni aldonas ankoraŭ unu kvaronon, kiun oni malproduktive elspezas en la aliaj ministrejoj, tiam nur unu kvarono restas por produktivaj popolbezonoj. Precipe necesas montri, ke militaj kaj policaĵaj elspezoj estas preskaŭ unu kvarono de l' tuta ŝtata buĝeto. Laŭ tio oni plej bone vidas, ke la reganta reĝimo estas transformita en la militan kaj polican. Dume oni donas preskaŭ nenion por kulturaj, sociaj, klerigaj k. a. bezonoj.

Laŭ la nova buĝeto oni voĉdonis nek unu dinaron por la senlaborula helpo. Kaj por la terkulturo oni donas nur 0,67%, do nek unu tutan elcenton.

Kiam oni observas kaj vidas, ke la ŝtata buĝeto de l' jaro 1920 estis 2 473 000 din. kaj malrapide oni ĝin plialtigis ĝis proksimume 12 miliardoj da din. en tiu ĉi jaro, tiam estas evidente, ke en tiu ĉi lando kreskas nur buĝeta industrio,

kontraŭulojn, tamen tio neniam okazos"...
"Laŭ ĉi-perspektivo ĉiu, kiu ne nur parolas, sed sincere deziras pacon eklezian, — sekvu la aforismon: kiu volas pacon — plifortigu militon!"... Do, dum sia konkur-batalado por ekspluatado de paroĥanaro, ĉiam malmultiĝanta, enforĝese, pastroj preferas pli prediki militemajn aforismojn, ol evangeliajn, per kiuj ili kutime trompas, stultigas kredemulojn-paroĥanojn. Jen kia estas interna eklezia vivo. Daŭrigu, intermilitudo, pastroj, super duonviva eklezio. Helpu al vi, dio! Estu bonaj tombistoj de sia eklezio!
B. Zirjanov (Kurgan).



Faktoj kaj komentoj

Koloruloj kontraŭ blankuloj?!

En burĝa gazeto mi legis jenon:

"La vera, reala mondmilito ne *estis* ĝis nun —; ne, ĝi *venos*; kaj tiu milito estos *interrasa* batalado. Laŭ plej novaj taksoj, ekzistas nuntempe 655 milionoj da blankuloj sur nia terglobo, proksimume unu triono de l'tuta homaro. Flavuloj estas ĉ. 500—550 milionoj. Ili celas, disvastiĝi trans nunaj siaj limoj. Enloĝantaro de Hindio, dum unu jarcento (1800—1900) pligrandiĝis de 49 je 285 milionoj; do sesobliĝis. En la sama periodo, la enloĝantaro en Eŭropo nur duobliĝis. Kaj, ne forgesu: en *Hindio* ofte grandaj epidemioj regis dum tiu tempo!..."

La verkisto plue asertas, ke blankuloj en granda milito kunpuŝiĝos kun flavuloj, brunuloj, nigruloj; unuvorte homoj

blankaj kontraŭ homoj kun kolora haŭto! Laŭ la verkisto la *kaŭzo* de tia milito estos la tro granda kreskado de tuta homaro kaj la pli granda pliigo de homoj kun kolorhaŭto..."

Ĉu ni ankaŭ partoprenos tian militon? Patriotismo kaj rasismo estas same detruindaj ideologioj!
1851.

Hindoj timas nacian sendependecon

En Granda Britio kaj en Hindio okazas nuntempe akraj disputoj pri starigita komisiono, kiu, sub gvidado de la liberala juristo Simon, havas kiel taskon studi pri la ŝanĝoj farindaj en la regad-sistemo de la angla dominio azia. La partopreno en tiu komisiono de du membroj el la Laborista Partio ankaŭ estigis viglajn polemikojn, kaj eĉ protestojn flanke de la tut-hindia naciista kongreso, kiu antaŭnelonge okazis en Madras.

Laŭ tiuj naciistoj estas la devo de ĉiuj laboristaj partioj bojkoti la komisionon. Sed en Allahabad (Hindio) okazis kongreso de la "subpremataj klasoj", kiu havis alian sintenon pri la demando. La prezidanto, ekzemple, deklaris: "La sperto estinta igas nin timi, ke sub la nura regado de la altaj kasto nia sorto estos eĉ pli malbona ol nun. Nacia aŭtonomio verŝajne signifos pliintensiĝon de nia servuteco."

Kredeble la historia procezo ne povos transsalti la nacian burĝan stadion; sed almenaŭ estas tre interese noti, ke eĉ en Hindio aŭdiĝas voĉoj por diri, ke nacia sendependeco ne signifas liberigon por la Proletaro.
E. L.

KIAL MI EKSIĜIS EL LA EKLEZIO

Mi estas naskita en la j. 1882 kaj vizitadis la popollernejon de mia 6-a ĝis 13½-a vivjaro. Post la dekkvara vivjaro mi estis en velurfabriko kaj laboris tie tri jarojn. Poste mi estis en teksejo ĝis la mondmilito. En la jaro 1915 mi ricevis ordonon iri al mia infanteria regimento en Aŭstrio. Ni venis al la itala batalfronto apud Görz (Gerc). Ok tagojn mi estis en la batalfronto kaj por ok tagoj mi revenis malantaŭen je dek kilometroj por "ripozi". Ni devis disbati ŝtonojn, stratojn konstrui, ekzercadi ktp. Dimanĉe, ni ricevis ordonon iri en la preĝejon. La unuan fojon mi estis sciolveca. La preĝejo estis tre bele ornamita. Mi volis aŭdi, kion predikos la romkatolika milita pastro. Mi estis mem romkatolika kaj ankaŭ miaj gepatroj ofte admonis min, ke mi ĉiumatene, tagmeze kaj vespere preĝu. Mi promesis ĉiam per "jes" kaj admonis min: ne ŝtelu, ne mortigu kaj agu juste. Kiel mi aŭskultis la predikon de mia militpastro, mi malfermis miajn okulojn kaj eĉ orelojn... Li komencis predikaĉi: soldatoj, amu dion, amu vian patrolandon kaj batalu kontraŭ niaj malamiko; ke ni venku! Kiu ne amas dion, tiu ne amas sian patrolandon ktp. Mi pensis, ke alia flanko, aliaj pastroj predikas la samon. Depost tiu tempo mi estis kontraŭ la romkatolika religio. Mi skribis tuj al mia edzino, ke, kiam mi revenos hejmen, ni ekŝiĝos el eklezio... En la granda batalo apud

Patriotismo — Internaciismo — Sennaciismo

(Daŭrigo dekkvara)

Car sensenca ideologio baris al racia kaj paca evoluo, kompreneble intervenis perforto por solvi la intercivitajn konfliktojn. La tuta historio de antikvaj grekoj kaj romanoj estas plena je sangaj militoj. Ĉe Romo, la templo de Jano, kiu devis esti fermita dum paca tempo, restis malfermita kvin jarcentojn seninterrompe. Dum unu miljaro ĝi estis fermita nur naŭ fojojn. Aleksandro la Granda sukcesis dum mallonga tempo unuigi la grekajn civitojn por batali kontraŭ la persoj. Sed post la morto de la fama konkirinto, lia imperio baldaŭ forfalis kaj la militoj inter la civitoj rekomencis. Du jarcentojn pli poste la konkero Grekion de la romanoj estigis de nove ian perfortan unuecon, kiu ebligis pli malpli normalajn rilatojn inter la popoloj.

La Romana Imperio

Unuflanke la patriotismo malebligis la kunfandiĝon de civitoj en pli larĝan unuon; aliflanke la ekonomio postulis tion. En tiaj kondiĉoj, nur la perforto, la milito povis solvi la problemon.

Ne utilas bedaŭri kaj ĉagreni ĉe la konstato, ke la historio de ĉiuj popoloj estas plena je sangaj bataloj. Se la homoj havus racian menson anstataŭ superstiĉan, la socia evoluo povus kredeble okazi pace. Bedaŭrinde ne estas tiel. La racia, la "teknika" menso tre malrapide elvolviĝas kaj senĉese konfliktas kun la religia aŭ superstiĉa menso. Ni eĉ notis, ke ambaŭ mensoj povas kunekzisti en la cerbo de sama individuo. Feliĉe, la unua pli kaj pli uzurpas la kampon de la dua. Oni do povas esperi, ke venos la tago, kiam estos for ĉiaj superstiĉoj; tiam povos la socio evolui normale, racie t. e. sen sangaj bataloj.

Dume ni vidu kiel kreiĝis la romana imperio. Ŝajnas strange, ke inter milo da malgrandaj patrioj (civitoj) en Italio kaj Grekio troviĝis unu, kiu povis servutigi la aliajn. Ĉe la komenco, kiam la patriotisma ideologio estis tre forta kaj blinde regis la spiritojn, Romo malfacile povis trudi sian regadon al la aliaj civitoj. Milito tiutempe signifis ofte kompletan ekstermon de la venkitoj kaj transformon de riĉa regiono en dezerton. Ekzemple Romo ekstermadis la dudek Volskajn civitojn kaj ilialoke estiĝis marĉoj; ĝi fordetrus kvindek tri urbojn en Latio (latine: Latium). Laŭ Tito-Livio

kaj Plinio, en Samnio (Samnium) dum longa tempo oni povis pli bone ekkoni la lokojn, kiujn trapasis la romaj armeoj, per la dezerteco, kiu regis en la ĉirkaŭaĵo, ol per la postsignoj de iliaj tendaroj.

La venkinto tamen ne ĉiam ekstermis la venkitojn; okazis, ke li fordetrus nur iliajn civitojn (oni komparu la piednoton 26) t. e. iliajn religiajn kaj politikajn asociojn. Tiam ĉesis la kultoj al la hejmaj kaj civitaj dioj. Kun la malapero de la kulto ankaŭ malaperis la leĝoj, la rajtoj, la familio, unuvorte ĉio, kio sin apogis sur la religio. La venkito ofte fariĝis sklavo kaj sekve devis alpreni la religion de sia mastro. Milito inter du civitoj signifis militon inter du religioj. Unu nepre devis malaperi.

Okazis ankaŭ, ke unu armeo ne povis tute forvenki la alian. Laŭ la kredo de la antikvuloj, tio signifis, ke la dioj de ambaŭ civitoj deziris aliancon inter la du popoloj. Por atesti tiun aliancon, civitoj iafoje sin rajtigis ĉeesti reciproke siajn sanktajn festojn. Kelkafoje ili kontrakte promesis interŝanĝi en siaj temploj religiajn ritojn. En tiuj okazoj, temis precipe pri la kulto al dioj, kiuj personigis fizikajn fortojn. Kiel ni jam rimarkigis, tiu religio estis pli evoluema ol la alia, kiu rilatis nur al la hejmaj dioj.

Asiago en majo 1916 mi ricevis dumdum-pafon en mian maldekstran femuron. Ĝi estis trapafita kaj rompita. K-doĵ donis al mi la unuan helpon. La venontan tagon mi estis transportita aŭtomobile Trienton en suda Tirola. Post ok tagoj — Vienon. Tie mi restadis unu jaron. En la jaro 1917 mi ricevis ordonon hejmeniri al mia familio. Dum du jaroj mi ankoraŭ ne povis laboradi. Mia edzino montris al mi mian skribitan leteron kaj demandis min kial mi volas forlasi la eklezion. Mi montris al ŝi kiel la eklezio kunhelpas al militoj. Ĝi ĉiam malhelpis ĉiun progreson, ĝi subfosas ĉiun novan penson per ĉiuj rimedoj. Ankoraŭ en la nuna tempo la eklezio kaj la ŝtato reciproke penas konservi la popolon en serveco, dependeco kaj malklereco. Ĝis nunaj tempoj la historio de la eklezio estas ĉiam unu longa ĉeno de krimoj kaj de plej teruraj sangodisfluadoj. Ŝi komprenis min kaj ni ekŝiĝis el la eklezio. Depost tiu ĉi tempo ni vivadis kune kun niaj infanoj sen eklezio. Ĉiuj homoj, kiuj ne kredas la fabelojn de la kristanismo, devas sin liberigi.

Milducentdudekkvin.

Mondlingva movado bazita nur sur naciaj organizaĵoj estas kvazaŭ unukrura, ne ekvilibreca kaj kondamnita je pereco

Kelkaj tagoj el mia vivo

Mi estas 54-jara poŝt-telegrafisto, seninfana. Mia laboro konsistas el deĵorado en telegrafejo.

Se mi deĵoras lunde de la 3-a posttagmeze ĝis la 9-a vespere, marde mi devas deĵori de la 9-a matene ĝis la 3-a posttagmeze kaj la saman tagon de la 9-a vespere ĝis la 9-a matene. Post tio mi havas du tagojn da libertempo, t. e. merkrede kaj ĵaŭde.

Vendrede mi komencas deĵori de la 3-a posttagmeze ĝis la 9-a vespere ktp. Dum la noktaj deĵoradoj mi havas rajton ripozi 4 horojn. Por pli detale priskribi mian laboron mankas loko, ĉar mi estas ĉefdeĵoranto kaj mia laboro estas treege diversa. Dum mia deĵorado mi devas atente zorgi ĝustan kaj regulan funkciadon de telegrafa laboro, ĉiam observi kaj kontroli la laboron de simplaj deĵorantoj. Mia atento kaj memoro estas seninterrompe kaj intense streĉitaj por ne forgesi ion, ĉar en la telegrafa laboro ekzistas centoj da plenumendaj aĵoj, kiujn la ĉefdeĵoranto devas ĉiumomente memori.

Pro raciigo de laboro mi helpas iufoje la simplajn deĵorantojn. Krom tio mi ekspedas per telegram-portistoj lokajn telegramojn, telefonas, statistikas.



ŝutis ĉien. Kvankam la kolonianoj formis je politika vidpunkto apartajn civitojn, ili tamen gardis religiajn ligilojn kun la metropolo: nu, tio sufiĉis por ke ili estu devigitaj dependigi sian politikon de tiu de Romo, obei al ĝi kaj ĝin helpi en ĝiaj militoj.

“Unu el la rimarkindaj trajtoj de la Roma politiko estas, ke ĝi altiris al si ĉiujn kultojn de la najbaraj civitoj. Ĝi kaptis iun Junonon de Veio, iun Jupiteron de Prenesto, iun Minervon de Faliskuo, iun Junonon de Lanuvio, iun Venuson de la Samnoj kaj multajn aliajn, kiujn ni ne konas. Romo kutimis, diras Cincio, akcepti la religiojn de la venkitaj urboj; foje ĝi disdonis ilin inter siaj gentoj, kaj foje ĝi donis al ili lokon en sia nacia religio.”

“... Kiel ĉiuj aliaj urboj, Romo havis sian civitan religion, kiu estis la fonto de ĝia patriotismo; sed ĝi estis la sola urbo, kiu utiligis tiun religion por sia pligrandigo. Dum, per la religio, la aliaj urboj vivis izole, Romo havis la lertecon aŭ la ŝancon utiligi la religion por altiri ĉion al si kaj ĉion superregi²⁸⁾.”

(Pluo sekvas) E. Lanty.

²⁸⁾ La Antikva Civito.

Dum nokta deĵorado mi estas poŝtisto, telegrafisto, telefonisto kaj iufoje eĉ teknikisto. Dumnokte mi vendas poŝtmarkojn, kovertojn, paperon; mi akceptas de klientoj rekomenditajn kaj urgajn leterojn, telegrafmandatojn, faras telefonajn mendojn. Okazas tre ofte, ke pro multo da laboro al mi mankas tempo por kontroli la funkciadon de telegrafa laboro.

Nu, sufiĉe estas pri mia laboro. Mi rakontu nun pri mia libertempo.

Dum vintra sezono mi gvidas esperantajn kursojn en iu urba klubejo, vizitas esperantajn kunvenojn de nia poŝtista grupo.

Ĉar mi estas gazetperanto kaj kunlaboranto de laborista sportinternacio, tial mi havas sufiĉe da traduka laboro. Intertempe mi respondas al miaj multaj eksterlandaj korespondantoj, mi akurate tralegas *Sennaciulon*, *Sennaciecan Revuon*, *Interligilon de l' P.T.T.*, tradukante el la lasta artikolojn por nia poŝta murgazeto aŭ por nia profesia revuo, kaj mi ne forgesas ankaŭ tralegi du rusingvaj gazetojn kaj nian profesionan revuon. Nuntempe mi ĝojas pro mia dusemajna libertempo kaj preskaŭ ĉiutage mi promenas kun mia edzino en arbaro, kolektante fungojn.

Tver, 9. 10. 27. A. Lebedev (1960).



Mia buĝeto

Kelkaj klarigoj por bone kompreni la submenciitajn nombrojn. Mi estas laboristino kaj mastrumadas kun miaj gepatroj. Por loĝejo, lumo, ligno kaj karbo mi pagas la trian parton de la kostoj de la tuta konsumo. De mia jara enspezo la entreprenisto tuj dekalkulas la impostojn, la asekuron pormalŝanjan kaj la pensian asekuron. La elspezoj por vestaĵoj estas laŭprocente pli malgrandaj ol tiuj por ŝuoj kaj kotizoj. Mian tutan tolaĵon kaj vestaĵon mi ja mem kudras kaj mi havigas al mi novan vestaĵon nur ĉiu du-trijare. Tial mi ŝparas monon kaj povas kelkfoje dum somero ekskursi aŭ dum vintro skii prenante kelkajn tagojn da libertempo.

Enspezoj jare	2132 aŭstriajn ŝilingojn		
Elspezoj — Nutraĵo	800	"	"
Tolaĵo, vestaĵoj	70	"	"
ŝuoj	80	"	"
lumo	12	"	"
loĝejo	90	"	"
ligno kaj karbo	60	"	"
gazetoj	32	"	"
por korespondado	20	"	"
sep diversaj unuiĝ-			
kotizoj	60,50	"	"
sportaĵoj	15	"	"
elspezoj por ekskursoj	30	"	"
por libertempo	200	"	"

Sume 1469,50 aŭstriajn ŝilingojn

Por kompreni la valoron de nia salajro permesu al mi noti jenajn prezojn:

1 kg da nigra pano	0,80 aŭstriajn ŝilingojn
1 kg da blanka pano	0,90 " "
1 kg da butero	6,80 " "
1 kg da sukero	1,10 " "
1 kg da bova viando	3,20 " "
1 ŝil. = mk. g. 0,60.	SAT-anino 2019.

Estas interese noti, ke Romo estis komence kolonio de Albo. Tio signifas, ke la kolonianoj kunportis el Albo iom da fajro el la sankta fajrujo, kaj pro tio estis en la religia dependeco de la “civito-patrino”. Estas supozeble, ke sub tiu religia vualo sin kaŝis ekonomiaj prerogativoj pri kiuj la historiistoj ne sufiĉe informas nin.

Kiam Albo estis detruita, Romo batalis dum longa tempo por akiri la religian superregecon, kiun havis la “civito-patrino” super la trideko da kolonioj ekzistantaj en Latio. Romo celis nepre fariĝi la metropolitano kaj ludi la rolon de la detruita urbo. Ĝi starigis komunan kulton kaj devigis la latojn kaj sabenojn ĝin partopreni. Tiel pligrandiĝis ĝia potenco, plifortiĝis ĝia superregado. Jen tio, kion diras Fustel de Coulanges pri tiu demando:

“Romo estis la sola civito, kiu scipovis milite plinombriĝi sian loĝantaron. Ĝi faris politikon tute alian ol tiun de la aliaj civitoj en Italio kaj Grekio; ĝi ligis al si ĉion, kion ĝi militakiris. Ĝi venigis al si la loĝantojn de la konkretaj urboj, kaj el la venkitoj ĝi faris romancjn. Plie Romo sendis kolonianojn en la konkiritajn landojn kaj tiele ĝi kvazaŭ sin dis-

(Daŭrigo tria)

paĝo 120, dua kolono, 7-a paragrafo, legu: Je la 13-a h., en Bialistoko. Aro da Kamentuboj (anst. tro da). Malbele aspektas la esperanta naskiĝurbo (anst. naskurbiĝo?!).

TRA ESPERANTIO

Oficiala Komuniko

Solvon fine ricevis la redaktora de-
mando: komence de februaro K-do
N. Barthelmess alvenos Parizon por
okupi la postenon.

Kelkiuj eble demandas, kial tiom longa
tempo estis necesa por dungi redaktoron.
Ni klarigu: kiam la eksredaktoro for-
lasis la oficon, ni tuj skribis al K-do Kol-
ĉinski, kiu niascie estis preta akcepti
nian proponon. Bedaŭrinde ekzistas ŝtat-
oj kaj landlimoj. La franca ŝtato ne fa-
cile permesas al sovetianoj veni Franci-
on. Longaj klopodoj estis necesaj kaj eĉ
nenio garantiis, ke ili estos sukcesaj.
Intertempe K-do Barthelmess sin anoncis
kiel kandidato. Tion eksciinte, K-do Kol-
ĉinski rezignis kaj konsilis, ke ni akceptu
K-don Barthelmess. Denove necesis
komenci la klopodojn por ricevi el la
franca labora ministrejo dungpermeson
por "fremda" laborulo. Tiel pasis pres-
kaŭ tri monatoj antaŭ ol la nova redakt-
oro povu enoficiĝi...

* * *

Pri la fiagado de s-ro Kr. ni ricevis
multajn leterojn. Kelkaj K-doĵ tiukaze
eldiris sian simpatian pro la embaraso,
en kiu ni troviĝis kaj la plia ŝarĝo kiu
falas sur niajn ŝultrojn. Aliaj male profit-
is la okazon por riproĉi pro la dungo de
"burĝo". Ni volonte konfesas, ke ni erar-
is en tiu afero. Tamen ne pravus la ri-
proĉintoj. Nur la sperto povis montri, ke
li ne bone plenumos la taskon. Oni ne
forĝesu, ke ni ĉefe celis havi redaktoron
lingve tute kapablan. Tro da K-doĵ ne
sufiĉe konscias pri la graveco de tiu
kondiĉo por la sukceso de nia tuta entre-
preno. Tamen jam delonge observemaj
kaj spertaj personoj konvinkigis, ke la
tuta esperanta movado povos disfali, se
la gazetistoj kaj eldonistoj ne zorge
atentos pri la internacieco de la stilo.
Nia lingvo estas ja almenaŭ dekfoje pli
facile lernebla ol kiu ajn nacia lingvo.
Sed por akiri vere *esperantan* stilon
pluraj jaroj da treege atenta praktikado
estas nepre necesaj. Multe da esper-
antistoj — eĉ gazetistoj — uzas naciece
nian lingvon. Ni rediras, ke tio povas esti
pereiga por la tuta esperanta afero. Ni
malkaŝe kaj senpente konfesas, ke tia
prilingva konsidero tre influis nin en la
dungo de s-ro Kr.

Ni aldonu kelke da rimarkoj, responde
al la riproĉintoj: 1. La respondeco de
Kr. estis nur teknika, li ne okupis gvid-
an postenon kaj *neniam* ĉeestis kunsidon
de E. K.; 2. Estas nevere, ke li ĵus SAT-
aniĝis, li eĉ estis unu el la unuaj anoj
de nia Asocio. Oni ne forĝesu, ke, pro
konata motivo, ni ne publikigas la nom-
ojn de ĉiuj niaj membroj; 3. Post sufiĉe
longa interkorespondado kun la dungoto-

ni, povis logike supozi, ke li vere kon-
vertiĝis al niaj ideoj kaj sincere estis
preta sin dediĉi tute al nia movado.

Ĉu do oni ne povus citi multajn nom-
ojn de gvidantoj de laboristaj partioj,
kiuj antaŭ kelkaj jaroj estis eĉ tute re-
akcispiritaj? En Francio, ekzemple, unu
sufiĉe fama oratoro kaj redaktoro de
komunista gazeto antaŭmilita verkis
poemojn en kiuj li laŭdis al la "Sankta
Virgulino" kaj dum la mondbuĉado
dufoje li estis ordenita pro lia "heroeco".
Nu, ĉu do Lenin ne estis burĝdevena?
Ĉu Kropotkin ne estis princo? — Kaj ĉu
oni ne konas laboristojn, kiuj burĝiĝis
kaj perfidis sian klason? Ni rediras:
nur la sperto povis montri la malsincer-
econ de s-ro Kr. Kaj pro tio ni ne ak-
ceptas nepravigitajn riproĉojn.

* * *

Ni ricevis siatempe de la Pariza grupo
kaj de aliaj grupoj el diversaj landoj
peton pri eksigo de s-ro H. I. Kr. Post
laŭstatuta esploro de la tuta afero, ni
decidis en nia kunveno de la 17-a de
januaro eksigi el niaj vicoj s-ro Kr.

Notinde estas, ke li eĉ ne provis sin
senkulpigi antaŭ la Pariza Grupo, kiu
lin alvokis tiucele.

La Direkcio de SAT.

* * *

Lasthore. — Nia Adm. en Leipzig sci-
igis nin, ke *Sennaciulo* estas malper-
mesita en Bulgario.



ADRESARO DE KOLEKTIVA KORESPONDADO

Nunjara jarlibro ne enhavos ĉi tiun fakon.
La kaŭzoj estas jenaj: Malgraŭ niaj alvokoj
en jarlibro kaj poste en la "S-ulo", ni ri-
cevis nur kelkajn poŝtkartojn kun informoj
kaj demandoj ofte ne rilatantaj al ĉi tiu
temo. Ni do ne sukcesis ricevi freŝan, taŭg-
an materialon por la jarlibro 1928. Reenpres-
i la malnovan adresaron sen iuj korektoj ne
taŭgos? Ni ja havas informojn, ke kelkaj
organizoj notitaj en nia adresaro ne respon-
dis al senditaj leteroj (tio rilatas al Sovetio
pli multe ol al aliaj landoj!). Do en nuna jaro
adresaro ne aperos, sed konsiderante la grav-
econ de ĉi tiu fako kaj same praktikan valor-
on de ĉi tiu adresaro por Internacia Labor-
ista Korespondado, ni komencas jam nun
kompiladon de adresaro por la jarlibro 1929.

Gek-doĵ estas petataj sendi al ni necesajn
adresojn kune kun la atesto (eble eĉ simpla
konsentsubskribo, oficiala kun stampilo de or-
ganizo aŭ redakcio) de koncerna organizo.
Tio ebligas al ni poparte presi adresojn en
"S-ulo". La konsento de organizoj estas ne-
cesa ĉar sperto montris, ke ofte oni komun-
ikis al ni adresojn sen konsento de organizo,
kiu poste ne respondis al leteroj. Do, Gek-doĵ,
de vi dependas la afero!

Komencu iom post iom jam nun kolektadon
de adresoj.

Ĉion sendu laŭ adresoj: Minsk (Sovetio),
poŝtkasto 33, aŭ al K-do G. P. de Bruin,
Wagelerdw. str. 28 B, Enschede (Neder-
lando).

Dim. Sneĵko.

TRA LA MOVADO (Kroniko)

Aŭstrio. La laborista movado en Vieno
estas tre kontentiga. Oni aranĝis 28 kursojn
kun 692-anoj. En la provinco la situacio est-
as ankoraŭ pli bona: 39 kursoj kun 989 anoj!
Tre ĝojige estas, ke ni sukcesis enpenetri en
vilaĝojn, kie oni ankoraŭ nenion sciis pri
esp-o. Interesa fakto estas, ke la nombro de
la kursoj superas preskaŭ je 50% la nombr-
on de laboristaj grupoj. (Laŭ "La Socialisto").

— **Germanio.** La 11-an de decembro okazis
jara ĉefkunveno en Gross-Schönau. Ĉeestis 74
SAT-anoj, krom la gastoj. K-dino Elsa Sei-
del kantis "Salutas fratojn la SAT-ano", i. a.
oni elektis K-don Wünsche el Olbersdorf kiel
delegiton al la VIII-a kongreso. Li ricevos por
2 semajna forresto 100 mk. g. k. la vojaĝ-
elspezojn. — **Polio.** Ĉe la Liberpensula Aso-
cio en Lodz fondiĝis esp-a sekcio en kies
estraron eniris 4 SAT-anoj. Ĉiusemajne
okazas lekcioj, diskutadoj ktp. La tasko de
la esp-a sekcio estas disvastigi la ideojn de
proleta libera penso internaciskale (en Lodz
loĝas poloj, judoj k. germanoj) k. per tio
pruvi la utilecon de esp-o. — **Sovetio.** En
novembro K-do Lingel havis 38 lekciojn pri
esp-o en Tula. Rezulte organiziĝis 7 grupoj
kun 352 lernantoj el kiuj 47 jam SAT-aniĝis.
Ĉiujn grupojn k. kursojn gvidas K-do Lingel.
Kelkaj jam mendis por si "S-ulon" k. "SR".
Ĝis nun estis tie ĉi nek unu SAT-ano k.
nun la nombro kreskas ĉiutage. —

MEMORNOTO

Reprezis el "Sennaciulo":

The Leeds Citizen, Leeds, 6. 1. 28: Jen,
kion kaŭzas la varmego. — *Ruĝa Vojo*, Je-
gorjevsk, 10. 12. 27: El Anglio.

Enhavis tradukaĵojn el esperantaj leteroj:

Stepnaja Zvezda, Petropavlovsk, 20. 10. 27,
14. 10. 27. — *Zvezda*, (?), 25. 12. 27. —
Polesskaja Pravda, Gomel, 23. 11. 27. — *Ruĝa
Polock*, Polock, 17. 12. 27, 4. 1. 28. — *Blank-
rusia Vilaĝo*, Minsk, 18. 12. 27. — *Ruĝa
Vojo*, Jegorjevsk, 9. 10. 27. — *Komunista
Vojo*, Orŝa, 22. 12. 27. — *Blankrusia Vilaĝo*,
Minsk, 30. 12. 27, 1. 1. 28, 4. 1. 28. — *Luktu
kun malklereco!*, Minsk, 6. 1. 28. — *Kaminist*,
Bobrujsk, 28. 12. 27, 21. 12. 27. —

Enhavis notojn pri SAT:

The Leeds Citizen, Leeds, 6. 1. 28. — *Ra-
botjin*, Minsk, 14. 12. 27, 12. 11. 27. —

Enhavis esperantan tekston:

Ruhr-Echo, Essen, 3. 1. 28. — *Jelbeničar-
ska Borba*, Sofia, 28. 12. 27.

Enhavis priesperantajn artikolojn:

Ruhr-Echo, Essen, 6. 1. 28.

Ĉe la neŭtraluloj

Novaj enketoj kaj eksperimentoj rilate la mondhelplingvajn sistemojn

La eksperimentoj fariĝas sur la bazo de
kunlaborado inter 1. "IALA" en New York
kaj 2. "Instituto Jean Jacques Rousseau" en
Genève. 1. "IALA" estas la nomo por Amerika
Asocio por Internacia Helplingvo (Internacio-
nal Auxiliary Language Association in the
United States, Incorporated). Ĝi estas fond-
ita en la jaro 1924 en New York kaj tute
neŭtrala asocio, havanta kiel celon la enkon-

dukon de unu helplingvo, kiu estus instruota al la lernantaro en ĉiuj landoj. Tiu celo postulas neŭtralan kaj objektivan esploron de la tuta mondhelplingva situacio.

Pro tio la *laboroj* de IALA etendiĝas sur du ĉefaj kampoj: 1. IALA klopodas interesigi grandajn rondojn por la helplingva movado; 2. ĝi faras esplorojn sur 3 kampoj: a) sociologia; b) lingva; c) pedagogia kaj eduka. — II. Rilate la 3-an punkton IALA kunlaboras kun la *Instituto J. J. Rousseau en Genève*. Ĉi tiu instituto, kunlaboranta kun la universitato de Genève, estas altlernejo pri pedagogia kaj edukaj sciencoj, kiu speciale interesiĝas pri infanpsikologio kaj pri eksperimenta pedagogio. Tial ĝi ankaŭ interesiĝis pri la enkonduko de esperanto en la lernejoj. Serio da konsultoj jam okazis en Genève kaj en New York dum la jaroj 1925/26 inter pro-

fesoro P. Bovet, direktoro de la Instituto J. J. Rousseau, reprezentantoj de IALA kaj reprezentantoj de la Instituto de eduka esploro ĉe la "Institute of Educational Research, Teachers College, Columbia University".

Dum ĉi tiu kunlaborado oni akceptis programon, laŭ kiu oni celas: 1. mezuri la progresojn dum lernado de iu helplingvo en lernejoj kursoj, kies instruistoj deziras serioze kunlabori; 2. prepari diversspecajn "testojn" (A. L. testoj-Auxiliary Language testoj) kaj eksperimentadi sur la bazo de tiuj testoj kun la helpo de la instruistoj, kiuj deziras kunlabori. IALA kaj la Instituto J. J. Rousseau pro siaj celoj bezonas la kunlaboradon de la reprezentantoj de la diversaj mondhelplingvaj sistemoj kaj esperas, ke ili subtenos energie ĝian laboron.

NIA POŬTO

1851. — Respondon al via demando vi baldaŭ povos legi en la rubriko: "El la Redaktejo".

9732. — Vian unuan manuskripton mi ne ricevis. La ĵus ricevita estas tro longa por esti uzebla en nia malampleksa gazeto. Kiel vi klarigas la fakton, ke estas tiom da friponoj inter la Leningradaj esperantistoj?

7113. — Kvankam via projekto ne ŝajnas al ni nuntempe efektivegebla, ni tamen publikigos, sub formo iom ŝanĝita, vian alvokon.

E. L.

Vasta (Wien). 4 respondkuponoj nur havas ekvivalenton de 1,— mk. g. Sekve mankas 0,40 mk. g.

Adm.

K * O * R * E * S * P * O * N * D * A * D * O

Unu enpresio: Simpla trilingva anonco kostas 0,50 mk. g., ĉiu plia linio la samon. Ni nur akceptas anoncojn kun samtempa pago. L. = letero, PK = poŝtkarto, PI = poŝtkartoj ilustritaj, PM = poŝtmorkoj, bfl = poŝtmorko sur bildflanko, kĉl. = kun ĉiuj landoj, esp-ajo = esperantaĵo. Ĉiuj petantoj pri korespondado havas la devon, nepre respondi almenaŭ unu fojon al ĉiuj petoj koncernantaj la fakon, por kiu ili sin enskribigis.

Aŭstrio.

K-do Richard Atlas, XIX. Bilbrothstr. 23/25, Wien, dez. koresp. kun Gek-do PM, bfl. Resp. garantiata.

Ĉeĥoslovakio.

K-do Gerhard Feise, Antoniwald, N-o 59, ap. Gablonz a. N., interŝ. PK, PI, PM, kĉl. K-do Josef Balicki (kooperativisto), Stonava, 378, Silezio, dez. koresp. pri div. temoj kĉl., L, PI, bfl. Ĉiam kaj certe resp.

Finnlando.

K-do Toivo Ojanen, Loimaa, Vesikoski, dez. koresp. kun tanejlaboristoj, tanistoj kaj terkulturistoj. Precipe kun Sovetio. Nepre resp.

Germanio.

K-do Walter Lenk, Werdauer Str. 5, Zwickau i. S., dez. koresp. pri div. temoj kĉl., L, PK.

— 10 gekursanoj (plenaĝuloj), dez. koresp. kĉl., L, PK, PI, Resp. garantiata. Adr.: K-do Oskar Naumann, Langestr. 43, I., Pirna a. E. (Saksio).

— En Harburg fondiĝis nova LEA-grupo. La membroj dez. koresp. kĉl., koresp-ajoj nepre estos respondataj. Adr.: K-do Schöne-mann, Bukstehuder Str. 17, Harburg a. E.

K-do Rudolf Opitz, Dresdner Str. 59, Weinböhla i. S., dez. koresp. pri lab. movado k. a. temoj kĉl. Resp. garantiata.

K-do Georg Harnisch, Herrnmühlenweg, 2, Burkhardtsdorf i. Erzg., dez. koresp. pri turismo, migrado. Nur PI, bfl.

K-do Rudolf Dost, Kemtau, 24, B., i. Erzg., dez. koresp. pri ĉ. temoj. Nur PI. Resp. garantiata.

K-do Paul Walberger, Rotthausener Str. 146, Katernberg, Kr. Essen, dez. koresp. kĉl., L, PK, PI, PM.

K-do Alwin Döring, Leutersdorf, A. 11, i. S., ĉiam interŝ. L, PK, PI, gaz., ĵurnalojn ktp. Skribu multnombre! Resp. garantiata.

K-do Alwin Grosse, Krabberstr. 22, E.-Altenessen, dez. koresp. kĉl., precipe kun naturamikoj.

Hispanio.

K-do Amadeo Bertomeu (mekanikisto, 19 j.), C. Trinitarios, 6, Valencia, dez. koresp. L, PK, PI, pri div. temoj kĉl. Resp. garantiata.

Hungario.

K-dino Boriska Szeremi, Petnehazy-u. 80, Budapest, VI., serĉas koresp-antojn por siaj kursanoj.

Latvio.

Adresŝanĝo: K-do Antonio Krastin, poŝta kesto N-o 1126 (poŝta adreso) Brivibas str. 94, lĝ. 19 (privata adreso) antaŭe (Matisa str. 52-a, lĝ. 1), Riga.

K-do Arvids Kurmis (abstinentulo-tabak-kontraŭulo), Meza iela, 4-a dz. 23, Riga, dez. koresp. kĉl.

Saarlando.

— Esp. Grupo, dez. koresp. PI, PM. Certe resp. Adr.: K-do L. Weidmann, Neue Mess-str. 22, St. Ingbert.

Sovetio.

— Esperanto-Komitato de SEU (Labesko), Dnepropetrovsk, dez. koresp. kĉl., L, pri lab. movado, virina vivo, sporto. Interŝ. gazetojn, esp. librojn. Resp. garantiata.

— Junkomunista ĉelo dez. koresp. kun frataj ĉeloj, izolaj junkomunistoj kaj gelaboristoj pri div. temoj. Adr.: Rostov/Don, ul. Friedrich Engelsa, 65, jaĉejka Komsomola pri DOFO.

— Grupo de geesp-istoj dez. koresp. pri ĉ. temoj kĉl. — individue kaj kolektive. Adr.: Rabpros, str. de Egor Sazonov, 31, Ufa, Resp. garantiata.

K-do Markus Verbickij, Leninstr. 2/8, Kremenčug, dez. koresp. pri ĉ. temoj kĉl. Resp. garantiata.

K-do A. Binusov, Proreznaj per. 6/3, Kremenčug, dez. seriozan koresp-adon. Resp. garantiata.

K-do A. Karabelnikov, Pervomajskaja-str. 33/13, Kremenčug, dez. seriozan koresp-adon pri div. temoj. Resp. garantiata.

— Lab. Int. kor. oficejo ĉe Gubkom SEU, poŝtkesto, 305, Leningrad, koresp. kaj peras kor. inter labor. polit. organ., espergrupoj, interŝ. mater. por preso kaj ekspozio.

K-do N. I. Ŝumilov (instruisto), P/O Luĥ s. Sokolskoje, Iv. Vozn. gub., dez. koresp. kĉl. pri ĉ. temoj, L, PK, PI.

K-do N. I. Nizov, Soldatskaja-str. 59, Kimeŝmo, Iv. Vozn. gub., dez. koresp. pri ĉ. temoj kĉl., PK, PI.

— 12 komencantoj dez. koresp. por pli-perfektigi kĉl. L, PK, PI, SAT-anaj lerngrupoj k. a. skribu al: "Esperanto-Kruĵok", Sosnevskaĵa, M-ro Ivanovo Voznesensk.

— Red. de ĵurnalo "Privolskaja Pravda", Kineŝmo, Iv. Vozn. gub., Krasnaja, 17, dez. koresp. kĉl. L, PK, pri lab., kamparana vivo k. a. seriozaj temoj. Interŝ. gaz.

— Por tutmonda piedvojaĝo mi serĉas kunvojaĝantojn el la tuta mondo — laŭeble kun fotoaparato. Adr.: K-do S. Kudrjavickij, poŝtkesto, 171 "Esperanto", Dnepropetrovsk.

Piedvojaĝemuloj, turistoj, naturamikoj tutmondaj! — Mi dez. serioze koresp. pri la problemoj de tutmonda piedvojaĝado. Ankaŭ interŝ. fotojn, geografiajn kartojn, gvidlibrojn ktp. Adr.: S. Kudrjavickij, poŝtkesto, 171, "Esperanto", Dnepropetrovsk.

ISK

Internationaler Sozialistischer Kampf-Bund (Internacia Socialista Batal-Ligo)

Ĝia organo (germanlingva) estas la

Politika Revuo por la klaskonscia laboristo

Ĝi aperas monate kaj pritraktas ĉiam tre gravajn problemojn de la klasbatalo, helpas konvinki la K-dojn pri la veraj kapitalistaj statoj. Tiu ĉi organo estas tre grava batalilo por niaj socialistaj ideoj!

Tial, K-do, abonu ĝin!

Abonprezo: por 3 monatoj nur 0,60 mk. g.

Proveksempleroj senpage riceveblaj ĉe:

O. Köppen, Schlüchtern (Bez. Kassel — Germ.)

Poŝtistoj! Telegrafistoj! Telefonistoj!

ATENTU . . . !

La sola internacia monata revuo de via profesio estas redaktata en esp-a lingvo. Subtenu ĝin.

Kotizo mirinde malalta, estas nur da 0.50 usona dolaro (helpa kotizo 1 dol.)

Tiu pago entenas la membrecon al la ILEPTO.

Aboniĝu tuj senhezite al

La Interligilo de l' T. T. T.

Sendante monon je la nomo de la ĝenerala gvidanto:

Petro Filliâtre, 54 rue Custine, Paris-18^e (Franclando)

INTERNACIA LIGO DE ESP-ISTAJ POŝT-TELEGRAF-OFICISTARO (ILEPTO)

Celas penetrigi esperanton en la praktikan vivon de nia metio

Poŝtistoj, telegrafistoj, telefonistoj, radiistoj

ALIĜU . . . !

La kotizo mirinde malalta (0.50 usona dolaro aŭ 1 dolaro) rajtigos vin al ricevo sen alia pago de la riĉenhava revuo

La Interligilo de l' T. T. T.

Sendu la kotizojn al la ĝenerala sekretario:

R. J. Filliâtre, 28 rue de l'Agent Dufraine, Saint-Cyr-l'École (Franclando)

La Interligilo de l' T. T. T.

Centra Organo de Fakinformoj

Por poŝtistoj, telegrafistoj, telefonistoj, radiistoj.

Aperas seninterrompe depost 1922 kaj donas ĉiumonate en 8 ĝis 12 paĝoj informojn, raportojn, studojn, rakontojn, dokumentojn, ilustraĵojn pri la profesia, korporacia, administracia, teknika vivo de nia metio.

Enhavas rubrikon senpagan por anoncoj, interŝanĝoj de la anaro.

SENHEZITE ABONU TUJ!

La kotizoj estas 0.50 de la usona dolaro; oni pagas laŭpove helpan kotizon de 1 usona dolaro.

Sendu la abonojn al la ĝenerala gvidanto:

Petro Filliâtre, 54 rue Custine, Paris-18^e (Franclando)

Poŝtistoj, telegrafistoj, telefonistoj, atentu!

SENDAGE

vi povas tuj ricevi plurajn ekzemplerojn de la vere leginda revuo

La Interligilo de l' T. T. T.

Korporacia, teknika, profesia, administracia, unika en fakmovado.

Kotizo mirinde malalta kun membreco al la ILEPTO.

Petu tuj informojn kaj specimenojn ĉe

Petro Filliâtre, 54 rue Custine, Paris-18^e (Franclando)

Sovetio.

(Daŭrigo)

K-do P. Vetčinkin, III, Fabriĉnajastr. 51, Dnepropetrovsk, dez. koresp. kĉl. L, PK. Resp. garantiata.

K-do G. Antonenko, III, Fabriĉnajastr. 45, Dnepropetrovsk, dez. koresp. kĉl. L, PK. Resp. garantiata.

K-do German Gribakin (junkomunisto), Oktjabrskaja, 38/30, kv. 15, Pskov, dez. koresp. pri ĉ. temoj kĉl.

K-dino Zina Kalaŝnikova (lernantino), fabr. dom. 20, kv. 4, Naro-Fominsk, Mosk. gub., dez. koresp. pri div. temoj kĉl.

K-do Genadio Kuzmenko (instruisto), Kapitankovka, Ŝevĉenkovsk. okr. serĉas seriozajn koresp-antojn el ĉl.

K-do Aleksandro Fomin (studento), Kiroĉnaja-str. 32, ĉ. 26, Leningrad, dez. koresp. kĉl. L, PK, PI.

— Helpu aranĝi internacian gazeteksponzicion. Sendu naciajn k. esp. gaz., ĵurnalojn, L, PI, ktp. Ĉiu sendonto ricevos la kirgizan alfabeton sur PK. Adr.: K-do A. Jadlovker, Turtkul, Kazakstan. Resp. garantiata.

— Sportgrupo de riverŝipana klubo dez. koresp. k. interŝ. sportgazetojn kĉl. sportuloj laboristaj. Adr.: Kiev, Petrovka, Konstantinovska, 5, Klub Vodnikov al K-do Kovalenko.

— Por tuttergloba piedvojaĝado ni serĉas kunvojaĝantojn el Anglio, Francio, Germanio aŭ Aŭstrio, — laŭeble kun fotoaparato. Adr.: K-do S. Kudrevickij, Poŝtkesto, 171 "Esperanto", Dnepropetrovsk.

K-do Mihajlov Gregoro, ul. Prosveŝĉenia, 2, Novoĉerkassk, S-Kav. Kr. dez. koresp. pri ĉ. temoj kĉl.

K-do Demetrio Pronkul (instruisto), fotoamatoro, stenografisto laŭ s. Gabelsberger, SAT-ano 10 495) Sovetskaja, 6, Djankoj, Krimeo, dez. koresp. Tuja resp. garantiata.

— Esperanto-grupo ĉe Industri-Pedagogia Teknikumo dez. koresp. kolektive k. individue (50 K-do) kĉl. Adr.: Esperanto-Grupo, Razgulaĵ, 2, Moskvo, 66.

K-do Petro Ĵukov (militkursano), ŝkola VCIK, 3, str. rota, Kreml, Moskvo, dez. koresp. kun soldatoj k. a. el ĉ. landoj.

K-do S. Goldfeder, "Esperanto", Barnaul (Siberio) serĉas siajn ĝeamikojn en Polio kaj petas ilin komuniki pri si. Mi fartas bonege!

Helpu sovetianoj! Kiu grandurbano (precipe el Kiev, Odessa) povas helpi al mi ie trovi laboron? Mi estas senlabora k. dez. eklabori en iu urbo por povi lerni en altlernejo. SAT-anoj pruvu vian kamaradecon! Adr.: Stanĉia Kaŝperovka, Belocerkov. okr. al SAT-ano 8111.

— Barnaula Societo "Esperanto" serĉas korespondemulojn por siaj diversmetiaj laboristoj partiaj junkom. k. lerneja-pioniraj rondetoj. Resp. garantiata. Adr.: Barnaul, Siberio "Esperanto".

— La Barnaula 5-a laborlernejo, str. Mamonova, Barnaul, dez. koresp. kun lernejaroj, lernejoj, infanoj pri ĉ. temoj kĉl., interesiĝas pri radiaĵoj, desegnaĵoj, PM, PI, ktp.

— La esp. grupo ĉe "Promsojuz" (industria sindikato) serĉas konstantajn koresp-antojn en ĉ. l. pri ĉ. temoj, precipe pri junul. movado. Certe resp. Adr.: Barnaul, Siberio, Gogolstr. "Promsojuz".

— Grupo de metalistoj dez. konstante kaj serioze koresp. pri lab. kaj prof. temoj kun samfakanoj k. a. lab. grupoj kaj individuoj. La grupo ankaŭ koresp. pri parti-junul-virin-movadoj. Adr.: Barnaul, Siberio, "Sojuz Metalistov" por Esperanto.

— Grupo de esp. kudristoj dez. koresp. pri ĉ. temoj kĉl. kaj garantias tujan kaj akuratan respondon. Interŝ. L, PK, kĉl. kun samfakanoj k. a. pri lab.-junul.- kaj proletaj demandoj. Adr.: Barnaul, Siberio, str. Gogolevskaja, "Zavkom Ŝvejnikov" al Esp.

— Esp. grupo ĉe la lernejo "Komintern" 1-a kaj 6-a laborlernejo dez. daŭre kaj konstante interŝ. pentraĵojn, PM, PI, L, kun ĉiul. ĝlernantoj pri ĉ. t. Resp. garantiata. Precipe kun junul- kaj infanmovadoj. Adr.: Barnaul, Siberio, lernejo "Komintern" Esp.

SAT-anoj ne pruntedonu vian Jarlibron al kiu ajn. Ĉiam postulu, ke servopetanto montru sian membro-karton. Gardu vin kontraŭ profitebuloj kaj parazitaj!

Gefervojistaro tutmonda! Fervoja laborista klubo dez. koresp. kĉl. L, PI, PK, pri kluba laboro, vivo k. laboro de gefervojistaro, tekniko, profundiĝa k. komunula movado, IRH k. a. sociaj demandoj. Nepran resp. garantias SAT-ano 5583, B. Jelezniakov. Skribu multnombre! Adr.: USSR, Samara, Lva Tolstogo, 94, Pravlenije jel.-dor. Kluba imeni Revolucii 1905 g.

ATENTU SAT-ANOJ!

Proletaj geesperantistoj ĉiulandaj! Okaze de l' inaŭguro de nia grup-standardo la kvaran de marto ni petas vin, se eble, ĉeestu aŭ almenaŭ sendu salutleterojn. Malatentu la landlimojn, ĉar ni ja estas sennaciuloj! Helpu al ni, antaŭenigi la movadon ankaŭ en nia urbo, por ke ĝi kresku! Ni ja volas montri al la laboristaj organizoj la valoron kaj la taŭgecon de l' internacia lingvo esperanto.

La SAT-anoj de la esperanta grupo: "Ni estu fratoj!" Nowawes ap. Berlin (Germanio)

ALVOKO!

K-do el Anglujo, Francujo, Italujo, USSR k. Usono sendu al mi salajrtarifon de l' laboristoj aŭ de simila fako de via lando. La germ. mastroj diras, ke la eksporto de germ. ladaĵoj estas neebla pro tro alta salajro!!? Mi estas certa, ke alie oni ne laboras por 0,97 kaj virinoj por 0,65 mk. g. — Skribu al: K-do Münz, Leipziger Strasse 58, Berlin SW 19 (Germanio)

Kun granda ĝojo mi anoncas la naskiĝon de tria filineto, nomata:

EVA-MARIA

Kamarado Reinhold Scheibler (9367) Wurgwitz-Dresden "vilao Espero"

13. I. 1928.

ENHAVO:

Laboro de misiistoj en Afriko kaj

la rezulto!	pg. 139
El Jugoslavio	140
Interpastra milito	140
Faktoj kaj komentoj	141
Kial mi eksigis el la eklezio	141
Patriotismo — Internaciismo —	
Sennaciismo	141
Kelkaj tagoj el mia vivo	142
Mia buĝeto	142
Impresoj pri Sovetio	143
Tra Esperantio	144
Korespondado, anoncoj	145—46